

# 吕純陽集

漢書門		一〇	九	七	四	二
類		號	一	函	架	冊

漢書		一〇	九	七	四	二
類		號	一	冊	架	函

內閣文庫	
番號	漢 10191
冊數	2 ( 2 )
函號	314 207

六之十



呂純陽文集卷之六

淺草文庫

二十六世從孫


呂兆祥纂輯  
呂黃鍾參考

二十七世從孫

呂雲清  
呂逢時 編次

二十八世從孫呂

稟訂閱



周行獨力出羣倫  
默默昏昏亘古存  
無象無形潛造化  
有門有戶在乾坤  
色非色際誰窮處  
空不空中自得根  
此道非從它外得  
千言萬論謾評論

通靈一顆正金丹不在天涯地角安討論窮經深  
莫究登山臨水杳無看光明暗寄希夷頃赫赤高  
居混沌端舉世若能知所寓超凡入聖弗爲難  
落魄紅塵四十春無爲無事信天真生涯只在乾  
坤鼎活計惟憑日月輪八卦氣中潛至寶五行光  
裏隱元神桑田改變依然在永作人間出世人  
獨處乾坤萬象中從頭歷歷運元功縱橫北斗心  
機大顛倒南辰膽氣雄鬼哭神號金鼎結雞飛犬  
化玉爐空如何俗士尋常覓不達希夷不可窮  
誰信華池路最深非遐非邇與難尋九年採煉如

紅玉一日圓成似紫金得了永祛寒暑逼服之應  
免死生侵勸君門外修身者端念思惟此道心  
水府尋鉛合火鉛黑紅紅黑又玄玄氣中生氣肌  
膚換精裏含精性命專藥返便爲真道士丹還本  
是聖胎仙出神入定虛華語徒費工夫萬萬年  
九鼎烹煎九轉砂區分時節更無差精神氣血歸  
三要南北東西共一家天地變通飛白雪陰陽和  
合產金花終期鳳詔空中降跨虎騎龍謁紫霞  
憑君子後午前看一脉天津在春端金闕內藏玄  
谷子玉池中坐太和官只將至妙三周火鍊出通

靈九轉丹直指幾多求道者行藏莫離虎龍灘  
返本還元道氣平虛非形質轉分明水中白雪微  
微結火裏金蓮漸漸生聖永論時非有體真鉛窮  
看亦無名吾今爲報修行者莫問燒金問至精  
安排鼎竈煉玄根進退須明卯酉門繞電奔雲飛  
日月驅龍走虎出乾坤一丸因與紅顏主九轉能  
燒白髮痕此道幽微知者少茫茫塵世與誰論  
醍醐一盞詩一篇暮醉朝吟不記年乾馬屢來遊  
九地坤牛時駕出三天白龜窟裏夫妻會青鳳巢  
中母子圓提挈靈童山上望重重疊疊是金錢

認得東西木與金自然爐鼎虎龍吟但隨天地明  
消息方識陰陽有信音左掌南辰攀鶴羽右擎北  
極剖龜心神仙親口留斯旨何用區區向外尋  
一本天機深更深徒言萬劫與千金三冬大熱玄  
中火六月霜寒表外陰金爲浮來方見性木因沉  
後始知心五行顛倒堪消息返本還元在已尋  
虎將龍軍氣宇雄佩符持甲去忽忽鏞排劍戟奔  
如電羅列旌旗疾似風活捉三尸楚鬼窟生擒六  
賊破魔宮河清海晏乾坤淨世世安居道德中  
我家勤種吾家田內有靈苗活萬年花似黃金苞

呂純陽集 卷之六 三  
不夫子如白玉顆皆圓栽培全賴中宮土灌溉須  
憑上谷泉直候九年功滿日和根拔入大羅天  
尋常學道說黃芽萬水千山覓轉差有畛有園難  
下種無根無脚自開花九三鼎內烹如酪六一爐  
中結似霞不日成丹應換骨飛昇遙指玉皇家  
四六關頭路坦平行人到此不須驚從教犢駕轟  
轟轉儘使羊車軋軋鳴渡海經河稀阻滯上天入  
地絕欲傾功成直入長生殿袖出神珠徹夜明  
九六相交道氣和河車晝夜迸金波呼時一一關  
頭轉吸處重重脉上摩電激离門光海嶽雷轟震

戶動婆娑思量此道真長遠學者多迷溺愛河  
金丹不是小金丹陰鼎陽爐裏面安盡道東山尋  
汞易豈知西海覓鉛難玄珠窟裏行非遠赤水灘  
頭去便端認得靈竽真的路何勞禮月步星壇  
古今機要甚分明自是衆生力量輕盡向有中尋  
有質誰能無裏見無形真鉛聖汞徒虛費玉室金  
關不解扁本色丹瓢推倒後却吞丸藥待延齡  
浮名浮利兩何堪迴首歸山味轉甘舉世筭無心  
可契誰人更與道相參寸猶未到其談尺一尚難  
明強說三經卷葫蘆并拄杖依前擔入舊江南

本來無作亦無行行着之時要妄情老氏語中猶  
未決瞿曇言下更難明靈竽有節通天去至藥無  
根得地生今日與君無恡惜功成只此是蓬瀛  
解將火種種刀圭火種刀圭世豈知山上長男騎  
白馬水邊少女牧烏龜無中出有還丹象陰裏生  
陽大道基顛倒五行憑匠手不逢匠手莫施爲  
三千餘法論修行第一燒丹路最親須是坎男端  
的物取他離女自然珍烹成不死砂中汞結出長  
生水裏銀九轉九還功若就定將衰老返長春  
欲種長生不死根再營陰魄返陽魂先教玄母歸

離戶後遣空王鎮坎門虎到甲邊風浩浩龍居庚  
內水溫溫迷途爭與輕輕泄此理須憑達者論  
閉目存神玉戶觀時來火候遞相傳雲飛海面龍  
吞汞風擊巖巔虎伏鉛一旦煉成身內寶等閑探  
得道中玄刀圭餌了丹書降跳出塵籠上九天  
千日工夫不暫閑河車搬載上崑山虎抽白汞安  
爐裏龍發紅鉛向鼎間仙府記名丹已熟陰司除  
籍命應還彩雲捧足歸何處直入三清謝聖顏  
解匹真陰與正陽三年功滿結成霜神龜出入庚  
辛位丹鳳翱翔甲乙方九鼎先輝雙瑞氣三元中

換五毫光塵中若有同機者共住煙霄不死鄉  
修生一路就中難迷者徒將萬卷看水火均平方  
是藥陰陽差互不成丹守雌勿失雄方住在黑無  
虧白自乾認得此般真妙訣何憂風雨妬衰殘  
纔吞一粒便安然十二重樓九曲連庚虎循環食  
絳雪甲龍天矯迸靈泉三三上應三千日九九中  
延九萬年須得有緣方可授未曾輕泄與人傳  
誰知神水玉華池中有長生性命基運用須憑龍  
與虎抽添全藉坎兼離晨昏點盡黃金粉頃刻修  
成玉石脂齋戒餌之千日後等閑輕舉上雲梯

九天雲靜鶴飛輕銜簡翩翩別太清身外紅塵隨  
意換爐中白石立時成九苞鳳向空中舞五色雲  
從足下生回首便歸天上去願將甘雨救焦氓  
嬰兒迤邐降瑤階手握玄珠直下來半夜紫雲披  
素質幾回赤氣掩桃顛微微笑處機關轉拂拂行  
時戶牖開此是吾家真一子庸愚誰敢等閑猜  
才得天符下玉都三千日裏積工夫禱祈天地開  
金鼎收拾陰陽鎖玉壺便覺凡軀能變化深知妙  
道不虛圖時來試問塵中叟這個玄機世有無  
誰識寰中達者人生平解法水中銀一條拄杖撐

天地三尺昆吾斬鬼神大醉醉來眠月洞高吟吟  
去傲紅塵自從悟裏終身後贏得蓬壺永劫春  
紅爐迸濺煉金英一點靈珠透室明擺動乾坤知  
道力逃移生死見功程逍遙四海留蹤跡歸去  
立姓名直上五雲雲路穩紫鸞朱鳳月來迎  
時人若要學長生先是樞機晝夜行恍惚中間專  
志氣虛無裏面固元精龍交虎戰三周畢兔走烏  
飛九轉成煉出一爐神聖藥五雲歸去路分明  
亦無得失亦無言動卽施功靜卽眠驅遣赤牛耕  
宇宙分張玉粒種山川栽培不憚勞千日服食須

知活萬年今日示君君好信教君見世作神仙  
不須兩兩與三三祇在崑崙第一巖逢潤自然情  
易伏遇炎常恐性難降有時直入三元戶無事還  
歸九曲江世上有人燒得住壽齊天地更無雙  
本末無非在玉都亦曾陸地作凡夫吞精食氣先  
從有悟理歸真便入無水火自然成旣濟陰陽和  
合自相符爐中煉出延年藥溟渤從教變復枯  
無名無利任優游遇酒逢歌且唱酬數載未曾經  
聖闕千年唯只在仙州尋常水火三回進真個夫  
妻一處收藥就功成身羽化更拋塵坭出凡流



呂純陽集 卷之六 七  
杳杳冥冥莫問涯雕蟲篆刻道之華守中絕學方  
知奧抱一無言始見佳自有物如黃菊蕊更無色  
似碧桃花休將心地虛勞用煮鐵燒金轉轉差  
還丹功滿未朝天且向人間度有緣拄杖兩頭擔  
日月葫蘆一個隱山川詩吟自得閑中句酒飲多  
遺醉後錢若問我修何妙法不離身內汞和鉛  
半紅半黑道中玄水養真金火養鉛解接往年三  
寸氣還將運動一周天烹煎盡在陰陽力進退須  
憑日月權只此功成三島外穩乘鸞鳳謁諸仙  
返本還元已到乾能升能降號飛仙一陽生是興

功日九轉周爲得道年煉藥但尋金裏水安爐先  
立地中天此中便是還丹理不遇奇人誓莫傳  
飛龍九五已升天次第還當赤帝權喜遇汞珠凝  
正午幸逢鉛母結重玄狂猿自伏何須煉野馬親  
調不着鞭煉就一丸天上藥頓然心地永剛堅  
舉世何人悟我家我家別是一榮華盈箱貯積登  
仙錄滿室收藏伏火砂頓飲長生天上酒常栽不  
死洞中花凡流若問吾生計遍地紛紛五彩霞  
津能充渴氣充糧家住三清玉帝鄉金鼎煉來多  
外白玉虛烹處徹中黃始知青帝離宮住方信金

精水府藏流俗要求玄妙理參同契有兩三行  
紫詔隨鸞下玉京元君相命會三清便將金鼎丹  
砂餌時拂霞衣駕鶴行天上雙童持珮引月中嬌  
女執幡迎此時功滿參真後始信仙都有姓名  
修修修得到乾乾方號人間一醉仙世上光陰催  
短景洞中花木任長年形飛峭壁非凡骨神在玄  
宮別有天唯願先生頻一顧更玄玄外問玄玄

呂純陽文集卷之六終

呂純陽文集卷之七

二十六世從孫

呂兆祥纂輯  
呂濬叅考

二十七世從孫

呂雲翹  
呂逢時編次

二十八世從孫

呂 訂閱

七言

金丹一粒定長生須得真鉛煉甲庚火取南方赤  
鳳髓水求北海黑龜精鼎追四季中央合藥遣三  
元八卦行齋戒興功成九轉定應入口鬼神驚

功滿來來際會難又聞東去上仙壇杖頭春色一  
壺酒頂上雲攢五嶽寇飲海龜兒人不識燒山符  
子鬼難看先生去後身須老乞與貧儒換骨丹  
碧潭深處一真人貌似桃花體似銀鬢髮未斑緣  
有術紅顏不老爲通神蓬萊要去如今去架上黃  
衣化作雲任彼桑田變滄海一丸丹藥定千春  
爐養丹砂鬢不斑假將名利住人間已逢志士傳  
神藥又喜同流動笑顏老子道經分付得少微星  
許共相攀幸蒙上士甘撈捩處世輸君一箇閑贈人  
誰解長生似我栽煉成真氣在三台盡知白日昇

天去剛逐紅塵下世來黑虎行時傾雨露赤龍耕  
處產瓊瑰只吞一粒金丹藥飛入青霄更不回  
亂雲堆裏表星都認得深藏大丈夫綠酒醉眠閑  
日月白蘋風定鈎江湖長將氣度隨天道不把言  
詞問世徒山水路遙人不到茆君消息近知無  
鶴爲車駕酒爲糧爲戀長生不死鄉地脉尚能縮  
得短人年豈不展教長星辰往往壺中見日月時  
時衲裏藏若欲時流親得見朝朝不離水銀行  
靈芝無種亦無根解飲能殮自返魂但得煙霞供  
歲月任他烏兔走乾坤嬰兒只戀陽中母姪女須

朝頂上尊一得不回千古內更無塚墓示兒孫  
世上何人會此言休將名利掛心田等閑倒盡十  
分酒遇興高吟一百篇物外煙霞爲伴侶壺中日  
月任嬋娟他時功滿歸何處直駕雲車入洞天  
玄門帝子坐中央得筭明長感玉皇枕下山河和  
雨露笛中日月混瀟湘坎男會遇逢金女離女交  
騰嫁水郎真個夫妻齊守志立教牽惹在陰陽  
遙指高峰笑一聲紅霞紫霧面前生每於塵市無  
人識長到山中有鶴行時弄玉蟾驅鬼魅夜煎金  
鼎煮瓊英他時若赴蓬萊洞知我仙家有姓名

堪笑時人問我家杖擔雲物惹煙霞眉藏火電非  
他說手裡金蓮不自誇三尺焦桐爲活計一壺美  
酒是生涯騎龍遠出遊三島夜久無人翫月華  
九曲江邊坐臥看一條長路人天端慶雲捧擁朝  
丹闕瑞氣徘徊起白煙鉛汞此時爲至藥坎離今  
日結神丹功能濟命長無老只在人心不是難  
玄門玄理又玄玄不死根元在汞鉛知是一般真  
個術調和六一也同天玉京山上羊兒鬧金水河  
中石虎眠妙要能生覺本體勤心到處自如然  
公卿雖貴不會酬說着仙鄉便去遊爲討石肝逢

呂純陽集 卷之十  
三  
屢海因尋甜雪過瀛洲山川醉後壺中放神鬼閑  
來匣裏收據見目前無個識不如盃酒混凡流  
曾邀相訪到仙家忽上崑崙宴月華玉女控權蒼  
獬豸山童提挈白蝦蟇時斟海內千年酒慣摘壺  
中四序花今在人寰人不識看看揮袖入煙霞  
火種丹田金自生重重樓閣自分明三千功行百  
旬見萬里蓬萊一日程羽化自應無鬼錄玉都長  
是有仙名今朝得赴瑤池會九節幢幡洞裏迎  
因看崔公入藥鏡令人心地轉分明陽龍言向离  
宮出陰虎還於坎位生二物會時爲道本五方行

盡得丹名修真道士如知此定跨赤龍歸玉清  
浮生不實爲輕忽衲服身藏奇異骨非是塵中不  
染塵焉得物外通無物共語難兮情兀兀獨自行  
時輕拂拂一點刀圭五彩生飛丹走入神仙窟  
莫怪愛吟天上詩蓋緣吟得世間稀慣歿玉帝宮  
中飯曾着蓬萊洞裏衣馬踏日輪紅露捲鳳啣月  
角璧雲飛何時再控青絲轡又掉金鞭入紫微  
黃芽白雪兩飛金行卽高歌醉卽吟日月暗扶君  
甲子乾坤自與我知音精靈滅跡三清劍風雨騰  
空一弄琴的當南遊歸甚處莫教鶴去上天尋

雲鬢雙明骨更輕自言尋鶴到蓬瀛日論藥草皆知味問着神仙自得名簪冷夜龍穿碧洞枕寒晨虎臥銀城來春又擬携筇去爲憶軒轅海上民龍精龜眼兩相和丈六男兒不奈何九盞水中煎赤子一輪火內養黃婆月圓自覺離天網功滿方知出地羅半醉好吞龍鳳髓勸君休更認彌陀強居此境絕知音野景雖多不合吟詩句若喧卿相口姓名還動帝王心道袍薜帶應慵掛隱帽皮冠尚懶簪除此更無餘個事一壺村酒一張琴華陽山裏多芝田華陽山叟復延年青松巖畔攀

高榦白雲堆裏飲飛泉不寒不熱神蕩蕩東來西去氣綿綿三千功滿好歸去休與時人說洞天天生不散自然心成敗從來古與今得路應知能出世迷途終是任埋沉身邊至藥堪攻煉物外丹砂且細尋咫尺洞房仙景在莫隨波浪沒光陰自隱玄都不記春幾回滄海變成塵玉京殿裏朝元始金闕宮中拜老君悶卽駕乘千歲鶴閑來高臥九重雲我今學得長生法未肯輕傳與世人北帝南辰掌內觀潛通造化暗相傳金槌袖裏居元宅玉戶星宮降上玄舉世盡皆尋此道誰人空

裏得玄關明明道在堪消息日月灘頭去又還  
日影元中合自然奔雷走電入中原長驅赤馬居  
東殿大啓朱門泛碧泉怒拔昆吾歌聖化喜陪孤  
月賀新年方知此是生生物得在仁人始受傳  
六龍齊賀得昇乾須覺潛通造化權真道每吟秋  
月澹至言長運碧波寒晝乘白虎遊三島夜頂金  
冠立古壇一載已成千歲藥誰人將袖染塵寰  
五岳灘頭景象新仁人方達杳冥身天網運轉三  
元淨地脉通來萬物生自曉谷神通此道誰能理  
性欲修真明明說向中黃路霹靂聲中自得神

欲陪仙侶得身輕飛過蓬萊徹上清朱頂鶴來雲  
外接紫鱗魚向海中迎姮娥月桂花先吐玉母仙  
桃子漸成不瞰日輪天欲曉定知人世久長生  
四海皆忙幾個閑時人口內說塵緣知君有道來  
山上何似無名住世間十二樓臺藏祕訣五千言  
內隱玄關方知鼎貯神仙藥乞取刀圭一粒看  
割斷繁華掉却榮便從初得是長生曾於錦水爲  
蟬蛻又向蓬萊別姓名三住住來無否泰一塵塵  
在世人情不知功滿歸何處直跨虬龍上玉京  
當年詩價滿皇都掉臂西歸是丈夫萬頃白雲獨

自有一枝丹桂阿誰無閑尋渭曲漁翁引醉上蓮  
峰道士扶他日與君重際會竹溪茅舍夜相呼  
金鋸灼灼舞天階獨自騎龍去又來高臥白雲觀  
日窟閑眠秋月擘天開离花片片乾坤產坎藥翻  
翻造化栽晚醉九崑回首望北邙山下骨皚皚  
結交常與道情深日日隨他出又沉若要自通雲  
外鶴直須勤煉水中金丹成只恐乾坤窄餌了寧  
憂疾患侵未去瑤臺猶混世不妨盃酒喜閑吟  
因携琴劍下煙蘿何幸今朝喜暫過兒相本來猶  
自可針醫偏更効無多仙經已讀三千卷古法曾

持十二科些小道功如不信金塔捨手試看麼  
傾側華陽醉再三騎龍遇晚下南崑眉因拍劍留  
星電衣爲眠雲惹碧嵐金液變來成雨露玉都歸  
去老松杉曾將鐵鏡照神鬼霹靂搜尋火滿潭  
鐵鏡烹金火滿空碧潭龍臥夕陽中麒麟意合乾  
坤地獬豸機關日月東三尺劍橫雙水岸五丁冠  
頂百神宮閑鋪羽服居仙窟自着金蓮造化功  
隨緣信業任浮況似水如雲一片心兩卷道經三  
尺劍一條藜杖七絃琴壺中有藥逢人施腹內新  
詩遇客吟一嚼永添千載壽一丸丹點一斤金



琴劍酒棊龍鶴虎逍遙落托永無憂閑騎白鹿遊  
三島悶駕青牛看十洲碧洞遠觀明月上青山高  
隱綵雲流時人若要還如此名利浮華即便休  
紫極宮中我自知親磨神劍劍還飛先差玉子開  
南殿後遣青龍入紫微九鼎黃芽棲瑞鳳一軀仙  
骨養靈芝蓬萊不是凡人處只怕愚人泄世機  
回身方始出埃塵造化工夫只在人早使亢龍拋  
地網豈知白虎出天真綿綿有路誰留我默默忘  
言自合神擊劍夜深歸甚處披星帶月折麒麟  
春盡閑月過落花一面舞劍一吁嗟常憂白日光

陰促每恨青天道路賒本志不求名與利元心只  
慕水兼霞世間萬種浮沉事達理誰能似我家  
日爲和解丹呼丹華夏諸侯肉眼看仁義異如胡  
越異世情難似泰衡難八仙煉後鍾神異四海磨  
成照膽寒笑指不平千萬萬騎龍撫劍九重關  
別來洛汭六東風醉眼吟情慵不慵擺撼乾坤金  
劍吼烹煎日月玉爐紅杖搖楚甸三千里鶴翥秦  
煙幾萬重爲報晉成仙子道再期春色會稽峰  
髮頭滴血眼如鑲吐氣雲生怒世間爭耐不平干  
萬事須期一訣蕩兇頑蛟龍斬處翻滄海暴虎除

時拔遠山爲滅世情兼負義劍光腥染點痕斑

贈劍客

雨雪霏霏天已暮金鍾滿勸撫焦桐詩吟席上未  
移刻劍舞筵前疾似風何事行盃當午夜忽然怒  
目更騰空不知誰是虧忠孝携個人頭入坐中  
未煉還丹且煉心丹成方覺道元深每留客有錢  
酤酒誰信君無藥點金洞裏風雷歸掌握壺中日  
月在胸襟神仙事業人難會養性長生自意吟  
鐵牛耕地種金錢刻石時童把貫穿一粒粟中藏  
世界二升鐺內煮山川白頭老子眉垂地碧眼胡  
兒手指天若向山中玄會得此玄玄外更無玄

六星昴宿下長天凡景寧交不愕然龍出水來鱗  
甲就鶴冲天去羽毛全塵中教化千人眼世上難  
知爾雅篇自是凡流福命薄忍教微妙略輕傳  
閑來掉臂入天門拂袂徐徐撮絲雲無語下窺黃  
谷子破顏平揖紫霞君擬登瑤殿參金母回訪瀛  
洲看日輪恰值嫦娥排宴會瑤漿新熟味氤氳  
曾隨劉阮醉桃源未省人間欠酒錢一領布裘權  
且當九天回日却歸還鳳茸襖子非爲貴狐白裘  
裳欲比難只此世間無價寶不憑火裏試燒看  
因思往事却成愁會讀仙經第十三武氏死時應

室室女陳王沒後是童男兩輪日月從他載九個  
河一檐擔盡日無人話消息一壺春酒且醺酣  
垂袖騰騰傲世塵葫蘆携却數遊巡利名身外終  
非道龍虎門前辨取真一覺夢魂朝紫府數年蹤  
跡隱埃塵華陰市內纔相見不是尋常賣藥人  
萬卷仙經三尺琴劉安聞說是知音杖頭春色一  
壺酒爐內丹砂萬點金悶裏醉眠三路口閑來遊  
釣洞庭心相逢相遇人誰識只恐冲天沒處尋  
會戰蚩尤玉座前六龍高駕振鳴鑾如來車後隨  
金鼓黃帝旂傍戴鐵冠醉將黑鬚三島黯怒抽霜  
劍十洲寒軒轅世代橫行後直隱深崑久覓難  
頭角蒼浪聲似鍾貌如冰雪骨如松匣中寶劍時  
頻吼袖裏金鎚逞露風會飲酒時爲伴侶能吟詩  
句便參同來年定赴蓬萊會騎個生獰九色龍  
神仙暮入黃金闕將相門關白玉京可是洞中無  
好景爲憐天下有衆生心琴際會閑隨鶴匣劍時  
磨待斷鯨進退兩楹俱未應憑君與我指前程  
九鼎烹煎一味砂自然火候放童花星辰照出青  
蓮顆日月能藏白馬牙七返返成生碧霧九還還  
就吐紅霞有人奪得玄珠餌三島途中路不賒

呂純陽集 卷之七  
天生一物變三才交感陰陽結聖胎龍虎順行陰  
鬼去龜蛇逆往火龍來嬰兒日喫黃婆髓姪女時  
食白玉杯功滿自然居物外人間寒暑任輪回  
星辰聚會入離鄉日月盈虧助藥王三候火燒金  
鼎寶五符水煉玉壺漿乾坤反覆龍收霧卯酉相  
吞虎放光入室用機擒提取一丸丹點體純陽  
真人行巴陵市太守怒其弗避使案吏具其  
罪真人曰須酒醒耳頃忽失之但留詩曰  
暫別蓬萊海上遊偶逢太守問根由身居北斗星  
杓下劍桂南宮月角頭道我醉來真個醉不知愁  
是怎生愁相逢何事不相認却駕白雲歸去休

題桐栢山黃先生庵門

吾有玄中極玄語周遊八極無處吐雲輶飄泛到  
凝陽一見君今在玄浦知君本是孤雲客擬話希  
夷生恍惚無爲大道本根源要君親見求真物其  
中有一分三五本自無名號丹母寒泉瀝瀝氣綿  
綿上透崑崙還紫府浮沉升降入中宮四象五行  
齊見土驅青龍擒白虎起祥風今下甘露鈇凝真  
永結丹砂一派火輪真爲主旣修真須堅確能轉  
乾坤泛海岳運行天地莫能知變化鬼神應不覺

千朝鍊就紫金身乃至全神歸返朴黃秀才黃秀才  
才既修真須且早人間萬事何時了貪名貪利愛  
金多為他財色身衰老我今勸子心悲切君自思  
今生猛烈莫教大限到身來又是隨流入生滅留  
此片言用表其意它日相逢必與汝決莫退初心  
善愛善愛

呂純陽文集卷之七終

呂純陽文集卷之八

二十六世從孫

呂兆祥纂輯

呂一奏參考

二十七世從孫

呂本南

呂逢時

編次

二十八世從孫呂晉熙訂閱

五言

悟了長生理秋蓮處處開金童登錦帳玉女下香  
階虎嘯天魂住龍吟地魄來有人明此道立便返  
嬰孩

姹女住南方身邊產太陽蟾宮烹玉液坎戶煉瓊漿  
漿過去神仙餌今來到我嘗一盃延萬紀物外任  
翱翔

頓悟黃芽理陰陽稟自然乾坤爐裏煉日月鼎中  
煎木產長生汞金烹續命鉛世人明此道立便返  
童顏

宇宙產黃芽經爐煨作砂陰陽烹五彩水火煉三  
花鼎內龍降虎壺中龜遣蛇功成歸物外自在樂  
煙霞

要覓長生路除非認本元都來一味藥剛道數千  
般丹鼎烹成汞爐中煉就鉛依時服一粒白日上  
冲天

姹女住瑤臺仙花滿地開金苗從此出玉藥自天  
來鳳舞長生曲鸞歌續命杯有人明此道海變已  
千回

古往諸仙子根元占甲庚水中聞虎嘯火裏見龍  
行進退窮三侯相吞用八絃冲天功行滿寒暑不  
能爭

我悟長生理太陽伏太陰離宮生白玉坎戶產黃  
金要主君臣義須存子母心九重神室內虎嘯與

龍吟

靈丹產太虛九轉入重爐浴就紅蓮顆燒成白玉  
珠水中鉛一兩火內汞三銖喫了瑤臺寶昇天任  
海枯

姹女住離宮身邊產雌雄爐中七返畢鼎內九還  
終悟了魚投水迷因鳥在籠耄年服一粒立地變

冲童

盜得乾坤祖陰陽是本宗天魂生白虎地魄產青  
龍運寶泥丸住搬精入上宮有人明此法萬載貌  
如童

要覓金丹理根元不易逢三才七返足四象九還  
終浴就微微白燒成漸漸紅一九延萬紀物外去  
冲冲

個個覓長生根元不易尋要貪天上寶須棄世間  
琛煉就水中火燒成陽內陰祖師親有語一味水  
中金

萬物皆生土如人得本元青龍精是汞白虎水為  
鉛悟者子投母迷應地是天將來物外客個個補  
丹田

二十四神清三千功行成寒雲連地轉聖日滿天

明玉子偏宜種金田豈在耕此中真妙理誰道不  
長生

妙妙妙中妙玄玄更玄動言俱演道語默盡神  
仙在掌如珠異當空似月圓他時功滿後直入大  
羅天

絕句

捉得金晶固命基日魂東畔月華西於中煉就長  
生藥服了還同天地齊  
莫恠瑤池消息稀只緣塵事隔天機若人尋得水  
中火有一黃童上太微

混元海底隱生倫內有黃童玉帝名白虎神符潛  
姪女靈元鎮在七元君

三畝丹田無種種種時須藉赤龍耕曾將此種教

人種不解鈇池道不生

鈇池一  
云營治

閃灼虎龍神劍飛好憑身事莫相違傳時須在乾  
坤力便透三清入紫微

不用梯媒向外求還丹只在體中收莫言大道人  
難得自是功夫不到頭

飲酒須教一百盞東浮西泛自梯媒日精自與月  
華合有個明珠走上來



不負三光不負人不欺神道不欺貧有人問我修行法只種心田養此身

時人若擬去瀛洲先過巍巍十八樓自有電雷聲震動一池金水向東流

瓶子如金玉子黃上昇下降續神光三元一曾經年淨這個天中日月長

學道須教徹骨貧囊中只有五三文有人問我修行法遙指天邊日月輪

我自忘心神自悅跨水穿雲來相謁不問黃芽肘後方妙道通微怎生說

肘傳丹篆千年術口誦黃庭兩卷經鶴觀古壇松影裏悄無人跡戶長扃

獨上高峰望八都黑雲散後月還孤茫茫宇宙人無數幾個男兒是丈夫

天下都遊半日功不須跨鳳與乘龍偶因博戲飛神劍摧却終南第一峰

朝遊北越暮蒼梧袖裏青蛇膽氣麤三人岳陽人不識朗吟飛過洞庭湖

一本北越作百越

趨倒葫蘆掉却琴倒行直上臥牛岑水飛石上迸如雪立地看天坐地吟

吾家本住在天齊零落白雲鑱石梯來往八千消  
半日依前歸路不會迷

蓮峰道士高且潔不下蓮宮經歲月星辰夜禮玉  
簪寒龍虎曉開金鼎熱

東山東畔忽相逢握手丁寧語似鍾劍術已成君  
把去有蛟龍處斬蛟龍

朝泛蒼梧暮却還洞中日月我爲天匣中寶劍時  
時吼不遇同人誓不傳

猥崑拍手葫蘆舞過嶺穿雲拄杖飛來往八千須  
半日金州南畔有松扉

養得兒形似我形我身枯悴子光精生生世世常  
如此爭似留神養自身

精養靈根氣養神此真之外更無真神仙不肯分  
明說迷了千千萬萬人

不事王侯不種田日高猶自抱琴眠起來旋點黃  
金買不使人間作業錢

天涯海角人求我我到天涯不見人忠孝義慈行  
方便不須求我自然真

莫道幽人一事無閑中儘有靜工夫閉門清晝讀  
書罷掃地焚香到日晡

先生先生貌猙惡拔劍當空氣雲錯連喝三回急  
 急去歛然空裏人頭落已下並贈劍客  
 劍起星奔萬里誅風雷時逐雨聲麓人頭携處非  
 人在何事高吟過五湖天翻地覆不見人  
 龕眉卓豎語如雲聞說不平便放杯仗劍當空千  
 里去一更別我二更回自謂  
 先生先生莫外求道要人傳劍要收今日相逢江  
 海畔一盃村酒勸君休不負公  
 龐眉鬪豎惡精神萬里騰空一躡身背上匣中三  
 尺劍為天且示不平人林

贈曹先生

鶴不西飛龍不行露乾雲破洞蕭清少年仙子說  
 閑事遙隔綵雲聞笑聲

海上相逢趙同

南宮水火吾須濟北闕夫妻我自媒洞裏龍兒嬌  
 鬱律山前童子喜徘徊

題鳳翔府天慶觀

得道年來八百秋不曾飛劍取人頭玉皇未有天  
 符至且貨烏金混世流

劍畫此時於襄陽雪中

崑山一夜玉龍寒鳳林千樹梨花老襄陽城裏没人知襄陽城外江山好

洞庭湖君山頌

午夜君山翫月回西鄰小圃碧蓮開天香風露蒼華冷雲在青霄鶴未來

秦州北山觀留詩

石池清水是吾心剛被桃花影倒沉一到却山宮闕內銷閑澄慮七絃琴

宋朝張天覺爲相之日有縑縷道人及門求施公不知禮敬因戲問道人有何仙術荅以

能捏土爲香公請試爲之須臾煙罷道人不見但留詩于案上云

捏土爲香事有因世間宜假不宜真皇朝宰相張天覺天下雲遊呂洞賓

贈陳處士

青雲一路少人行休話興亡事不成金榜因何無姓字玉都必是有仙名雲歸入海龍千尺雲滿長空鶴一聲深謝宋朝明聖主解書丹詔詔先生

哭陳先生

天網恢恢萬象疎一身親到華山區寒雲去後留

殘月春雪來時問太虛六洞真人歸紫府千年鸞  
鶴老蒼梧自從遺却先生後南北東西少丈夫

化江南簡寂觀道士侯用晦磨劍詩云

欲整鋒鏘敢憚勞凌晨開匣玉龍嗥手中氣槩冰  
三尺石上精神虵一條姦血默隨流水盡凶豪今  
逐漬痕消削平浮世不平事與爾相將上九霄

熙寧元年八月十九日過湖州東林沈山用

石榴皮寫絕句于壁自號回山人

西鄰已富憂不足東老雖貧樂有餘白酒釀來緣  
好客黃金散盡為收書

大雲寺茶詩

玉蘂一鎗稱絕品僧家造法極功夫兔毛甌淺香  
雲白蝦眼湯翻細浪俱斷送睡魔離几席增添清  
氣入肌膚幽叢自落溪崑外不肯移根入上都

別詩 二首

無心獨坐轉黃庭不逐時流入利名救老只存真  
一氣修生長遣百神靈朝朝煉液歸瓊壠夜夜朝  
元養玉英莫笑老人貧裏樂十年功滿上三清  
時人受氣稟陰陽均體乾坤壽命長為重本宗能  
壽永因輕元祖遂淪亡三宮自有迴流法萬物那

無運用方咫尺崑崙山上玉幾人知是藥中玉

贈羅浮道士

羅浮道士誰同流草衣木食輕王侯世間甲子管  
不得壺裏乾坤只自由數着殘碁江月曉一聲長  
嘯海山秋飲餘回首話歸路遙指白雲天際頭

宿州天慶觀殿門留贈符離道士

秋景蕭條葉亂飛庭松影裏坐移時雲迷鶴駕何  
方去仙洞朝元失我期

題黃鶴樓石照

黃鶴樓前吹笛時白蘋紅蓼滿江湄裏情欲訴誰  
能會惟有清風明月知

答僧見

三千里外無家客七百年來雲水身行滿蓬萊爲  
別館道成瓦礫盡黃金待賓榼裏常存酒化藥爐  
中別有春積德求師何患少由來天地不私親

與潭州智度寺慧覺詩

并序

余游韶柳東下

湘江今見覺公觀其禪學精明性源淳潔促  
膝靜坐收光內照一衲之外無餘衣一鉢之  
外無餘食達生死岸破煩惱殼方今佛衣寂  
寂兮無傳禪理懸懸兮幾絕扶而興者其在

吾師乎

達者推心兼濟物聖賢傳法不離真請師開說西來意七祖如今未有人

題僧房絕句

唐朝進士今日神仙足躡紫霧却返洞天

中興賜齊州李希遇詩云

少飲欺心酒休貪不義財福因慈善得禍向巧姦來

景福寺題一聯

莫道神仙無學處古今多少上昇人

六言

春暖羣花半開逍遙石上徘徊獨携玉律丹訣閑踏青莎碧苔古洞眠來九載流霞飲幾千盃逢人莫話他事笑指白雲去來

明胎息

密室靜存神陰陽重一斤煉成离女液嚙盡坎男津漸變逍遙體超然自在身更修功業滿旌鶴引

朝真

一本嚙盡作方咽

警世

二入佳人體似酥腰間仗劍斬凡夫雖然不見人

頭落暗裏教君骨髓枯

通道

通道復通玄名留四海傳交親一拄杖活計兩空拳要果逡巡種思茶逐旋煎豈知來混世不久却回天

爲賈師雄發明古鐵鏡

手內青虵凌白日洞中仙果艷長春須知物外煙霞客不是塵中磨鏡人

崔中舉進士游岳陽遇真人錄沁園春詞詰其姓名薦之李守排戶而入惟見留詩于壁

腹內嬰兒養已成且居塵市暫娛情無端措大剛饒舌却入白雲深處行

題詩紫極宮

宮門一閑入臨水憑欄立無人知我來朱頂鶴聲急

閑題

獨自行來獨自坐無限世人不識我惟有城南老樹精分明知道神仙過

山隱

松枯石老水縈迴個裏難教俗客來擡眼試看山



外景紛紛風急障黃埃

絕句

息精息氣養精神精養丹田氣養身有人學得這  
般術便是長生不死人

斗笠爲帆扇作舟五湖四海任遨遊大千沙界須  
臾至石爛松枯經幾秋

或爲道士或爲僧混俗和光別有能苦海翻成天  
上路昆盧常點百千燈

勸世

一毫之善與人方便一毫之惡勸人莫作衣  
緣自然快樂筭是甚命問什麼小欺人是禍饒人  
是福天眼昭昭報應甚速諦聽吾言神欽鬼伏

搖頭坯歌

搖頭坯隨雨破毳是未曾經水火若經水火燒成  
磚留向世間住萬年稜角堅完不復壞扣之聲韻  
堪磨鑄凡水火尚成功堅完萬物誰能同修行路  
上多少人窮年煉養費精神不道未曾經水火無  
常一旦臨君身既不悟終不悔死了猶來借精髓  
主持正念大艱辛一失人身爲異類君不見洛陽  
富鄭公說與金丹如盲聾執迷不悟修真理焉知

潛合造化功又不見九江張尚書服藥失明神氣  
枯不知還丹本無質翻餌金石何太愚又不見三  
衢趙樞密叅禪作鬼終不識修完外體在何邊辯  
捷語言終不實搖頭坏隨雨破便似修行這幾個  
大丈夫超覺性了盡空門不爲證伏羲傳道至于  
今窮理盡性至於命了命如何是本元先認坎離  
并四正坎離卽是真常家見者超凡須入聖坎是  
虎離是龍二體本來同一宮龍吞虎啗居其中離  
合浮沉初復終剝而復否而泰進退往來定交會  
弦而望明而晦消長盈虛相匹配神仙深入水晶

宮時飲醍醐清更醞餌之千日功便成金筋玉骨  
身已輕此個景象惟自身生昇早得朝三清三清  
聖位我亦有本來只奪乾坤精飲凡酒食羶腥補  
養元和冲更盈自融結轉光明變作珍珠飛玉京  
須臾六年腸不餒血化白膏體難毀不食方爲真  
絕糧真氣薰蒸肢體強旣不食超百億口鼻都無  
凡喘息真人以踵凡以喉從此真凡兩邊立到此  
遂成無漏身胎息丹田湧真火老氏自此號嬰兒  
火候九年都經過留形住世不知春忽爾天門頂  
中破真人出現大神通從此天仙可相賀聖賢三

教不異門昧者勞心休恁麼有識自愛生有形終  
不滅歎愚人空駕說愚人流蕩無則休落趣循環  
幾時徹學人學人細尋覓且須研究古金碧金碧  
參同不計年妙中妙兮玄中玄

呂純陽文集卷之八終

呂純陽文集卷之九

二十六世從孫

呂兆祥纂輯

呂弼周參考

二十七世從孫

呂雲將

呂逢時

編次

二十八世從孫呂學孔訂閱

詩記歌詞

贈劉方處士

六國愁看沉與浮携琴長嘯出神州擬向煙霞煮  
白石偶來城市見丹丘受得金華出世術期於紫

府駕雲遊年來摘得黃巖翠琪樹參差連地脉露  
飄香隴玉苗滋月上碧峰丹鶴唳洞天消息春正  
深仙路往還俗難繼忽因乘興下白雲與君邂逅  
於塵世塵世相逢開口希共論太古同流志瑤琴  
寶瑟與君彈瓊漿玉液勸我醉醉中亦話興亡事  
云道總無珪組累浮世短景倏成空石火電光看  
卽逝韶年淑質曾非固花面玉顏還作土芳樽但  
繼曉復昏樂事不窮今與古何如識箇玄玄道道  
在杳冥須細考壺中一粒化奇物物外千年功力  
與但能制得水中華水火翻成金丹竈丹就人間  
不久居自有碧霄元命誥玄洲腸谷悉可居地壽  
天齡永相保鸞車鶴駕逐雲飛迢迢瑤池應易到  
耳聞爭戰還傾覆眼見研華成枯槁唐家舊國盡  
荒蕪漢室諸陵空白草蜉蝣世界實足悲槿花性  
命莫遲遲珠璣溢屋非爲福羅綺滿箱徒自危志  
士戒貪昔所重達人忘欲寧自期劉方劉方審聽  
我流光迅速如飛過陰媯果决用心除尸鬼因循  
爲汝禍人瓊祕訣君自識莫待鈇空車又破破車  
壞鈇須震驚直遇伯陽應不可悠悠憂家復憂國  
耗盡三田元宅火咫尺玄關若要開憑君自解黃

金銷

寄白龍洞劉道人

玉走金飛兩曜忙始聞花發又秋霜徒誇篋壽千  
來歲也似雲中一電光一電光何太疾百年都來  
三萬日其間寒暑互煎熬不覺童顏暗中失縱有  
兒孫滿眼前却成恩愛轉牽纏及乎精竭身枯朽  
誰解救伊暫駐顏延年之道既無計不免將身歸  
逝水但看古往聖賢人幾箇解留身在世身在世  
也有方只爲時人誤度量競向山中尋草藥伏鉛  
制汞點丹陽點丹陽事迥別須向坎中求赤血取  
來離位制陰精配合調和有時節時節正用媒人  
金翁姹女結親因金翁偏愛騎白虎姹女常駕赤  
龍身虎來靜坐秋江裏龍向潭中奮起身兩獸相  
逢戰一場波浪奔騰如鼎沸黃婆丁老助威靈撼  
動乾坤走神鬼須臾戰罷雲氣收種個玄珠在泥  
底從此根芽漸長成隨時灌溉抱真精十月脫胎  
吞入口忽覺凡身已有靈此個事世間稀不是等  
閑人得知宿世若無仙骨分容易如何得遇之金  
液丹宜便煉大都光景急如箭要取魚須結筌何  
不收心煉取鉛莫教燭被風吹滅六道輪迴難怨

天近來世上人多詐盡著布衣稱道者問他金木  
是何般噤口不言如害啞却云服氣與休糧別有  
門庭道路長豈不見陰君破迷歌裏說太乙含真  
法最强莫恠言詞太狂劣只爲時人難鑒別惟君  
心與我心同方敢傾心與君說

贈喬二郎

與君相見皇都裏陶陶動便經年醉醉中徃徃  
藏真亦不爲他名與利勸君休戀浮華榮直須奔  
走煙霞程煙霞欲去如何去先須肘後飛金晶金  
晶飛到上宮裏上宮下宮通光明當時王汞涓涓

生奔歸元海如雷聲從此夫妻相際會歡娛

始終

踴躍情無外水火都來兩半間卦候翻成地天泰  
一浮一沉陽煉陰陰盡方知此理深到底根元是  
何物分明只是水中金喬公喬公急下手莫逐鳥  
飛兼兔走何如修煉作真人塵世浮生終不久人  
作一道長生沒得來自古至今有有有

鄂渚悟道歌

縱橫天際爲閑客時遇季秋重陽節陰雲一布徧  
長空膏澤連綿滋萬物因雨泥滑門不出忽聞鄰  
舍語丹術試問鄰公可相傳一言許肯更無難數

呂純陽集 卷之九  
篇奇怪文入手一夜挑燈讀不了曉來日早纔看  
畢不覺自醉如恍惚恍惚之中見有物狀如日輪  
明突岫白言便是丹砂精宜向鼎中烹凡質凡質  
本來不化真化真須得真中物不用鉛不用汞還  
丹須向爐中種玄中之玄號真鉛及至用鉛還不  
用或名龍或名虎或號嬰兒并姪女丹砂一粒名  
千般一中有一爲丹母火莫燃水莫凍修之煉之  
須珍重直待虎嘯折頭峰驪龍奪得玄珠弄龍吞  
玄寶忽昇飛飛龍被我捉來騎一翥上朝歸碧落  
碧落廣闊無東西無曉無夜無年月無寒無暑無  
四時自從修到無爲地始覺奇之又恠之

又記

數載樂幽幽欲逃寒暑逼不求名與利猶恐身心  
役苦志慕黃庭慙懃求道跡陰功暗心修善行長  
日積世路果逢師時人皆不識我師機行密懷量  
性孤僻解把五行移能將四象易傳余造化門始  
悟希夷則服取兩般真從頭路端的烹煎日月壺  
不離乾坤側至道眼前觀得之元咫尺真空空不  
空真色色非色推倒主葫蘆迸出黃金液緊把赤  
龍頭猛將驪珠吸吞歸臟腑中奪得神仙力妙號

一黍珠延年千萬億同途聽我吟與道相親益未  
曉真黃芽徒勞遊紫陌把住赤烏魂突出銀蟾魄  
未省此中玄常流容易測三天應有路九地終無  
厄守道且藏愚忘機要混迹羣生莫相輕已是蓬  
萊客

祕訣歌

求之不見來卽不見不見君之素面火裏曾飛水  
中亦見道路非遙身心不戀又不知有返陰之龜  
回陽之鴈遇卽遇其人達卽達其神一萬二千甲  
子這一壺流霞長春流霞流霞本性一家饑餐月  
精渴飲月華將甲子丁丑之歲與君決破東門之  
大荒

勉牛生夏侯生

二秀才二秀才兮非秀才非秀才兮是仙才中華  
國裏親遭遇仰面觀天笑眼開一作鶴形兮龜骨  
龍吟兮虎顏我有至言相勸勉願君兮勿猜勿猜  
但煦日吹月嘒雨呵雷火寄冥宮水濟丹臺金木  
交而土歸位鉛汞分而丹露胎赤血換而白乳流  
透九竅兮動百骸然然卷然然舒哀哀哈哈孩兒  
喘而不死腹空虛兮長齋酬名利兮狂歌醉舞酬



富貴兮麻襪莎鞋甲子問時休記看桑田變作黃  
挨青山白雲好居住勸君歸去來兮歸去來

谷神歌

我有一腹空谷虛言之道有又還無言之無兮不  
可捨言之有兮不可居谷兮谷兮太玄妙神兮神  
兮真大道保之守之不死名修之煉之仙人號神  
得一以靈谷得一以盈若人能守一只此是長生  
本不遠離身還不見煉之功若成自然凡骨變谷  
神不死玄牝門出入綿綿道若存修煉還須夜半  
子河車般載上崑崙龍又吟虎又嘯風雲際會黃

婆叫火中姹女正含嬌回觀水底嬰兒俏嬰兒姹  
女見黃婆兒女相逢兩意和金殿玉堂門十二金  
翁木母正來過重門過後牢關鎖點簡斗牛先下  
火進火消陰始一陽千歲仙桃初結菓曲江東岸  
金烏飛西岸清光玉兔輝玉兔走歸峰頂上爐中  
姹女脫青衣脫却青衣露素體嬰兒領入重幃裏  
十月情濃產一男說道長生永不死勸君煉勸君  
修谷神不死此中求此中悟取玄微處與君白日

登一作瀛洲到

修身訣 三首

人命急如線上下來往速如箭認得是元神子後

午前須至煉隨意出隨意入天地三才人得一既

得一物遺失失了求求無一物堪歎荒郊塚墓中

自古滅亡不知屈一本無後兩句

煙花爛熳人事悠悠得之者一氣含元失之者三

泉昧景至藥龍居虎位虎據龍宮當龍虎混合之

時認恍惚杳冥之路大電霹而神莫為迅雷烈而

神莫知去彼取此兮用資久視之功即是遷神之

妙一本去彼繁華取此真實用資云

先住其子後覓其母率首為宗擒和正取水伏其

火龍引其虎得自兩眉治應玄牝雷驚電杳無非

黃蓋之家一作中金液瓊漿盡屬丹池之寶老子之

術盡於斯矣嗟夫金玉滿堂莫之能守也

長短句

落魄旦落魄夜宿鄉村朝遊城郭閑來無事翫青

山困來街市貨丹藥賣得錢不筭度酷美酒自斟

酌醉後吟哦動鬼神任意日頭向西落

直指大丹歌

三清宮殿隱崑巔日月光浮起紫煙池沼泓泓翻

玉液樓臺疊疊運靈泉青龍乘火鉛為汞白虎騰

波永作鈿欲得坎男求匹偶須憑離女結因緣黃  
婆設盡千般計金鼎開成一朶蓮列女擎烏當在  
畔將軍戴兔鎮西邊黑龜却伏紅爐下朱雀還栖  
華閣前然後澄神窺見影三周功就駕雲輶

山田漁父詞 十八首

入定

閉目藏真神思凝杳冥中裏見吾宗無邊畔迥朦  
朧玄景觀來覺盡空

初九

大道從來屬自然空堂寂坐守機關三田寶鎮長  
存赤帝分明坐廣寒

玄用

日月交加曉夜奔崑崙頂上定乾坤真鏡裏實堪  
論鬢髮紅霞曉寂門

神効

恍惚擒來得自然偷他造化在其間神鼎內火烹  
煎盡歷陰陽結作丹

沐浴

卯酉門中作用時赤龍時蘸玉清池雲薄薄雨微  
微看取妖容露雪肌

延壽

子午常食日月精玄關門戶啓還局長如此過平生且把陰陽子細烹

瑞鼎

會合都從戊巳家金鉛水汞莫須誇只此物結丹砂反覆陰陽色轉華

活得

位立三才屬五行陰陽合處便相生龍飛踴虎狂獐吐個神珠各戰爭

燦爛

四象分明八卦周乾坤男女論綢繆交會處更嬌差轉覺情深玉體柔

鍊質

運木還元於此尋周流金鼎虎龍吟身不老俗難侵貌返童顏骨變金

神異

還返初成立變童瑞蓮開處色輝紅金鼎內迥朦朧換骨添筋處處通

知路

那個仙經述此方參同大易顯陰陽須窮取莫顛

狂會者名高道自昌

朝帝

九轉功成數盡乾開爐撥鼎見金丹  
飡餌了別塵寰足躡青雲突上天

方契理

舉世人生何所依不求自己更求誰  
絕嗜慾斷貪癡莫把神明暗裏欺

自無憂

學道初從此處修斷除貪愛別嬌柔  
長守靜處深幽服氣飡霞飽即休

作甚物

貪貴貪榮逐利名追游醉後戀權情  
年不永代君驚一報身終那裏生

疾瞥地

萬劫千生得個人須知先世種來因  
速覺悟出迷津莫使輪回受苦辛

常自在

閉目尋真真自歸玄珠一顆出輝輝  
終日翫莫拋離免使閻王遣使追

夢江南詞

十一首

淮南法淮南法秋石最堪誇位應乾坤白露節象  
移寅卯載河車子午結朝霞

王陽術王陽術得秘是黃芽萬藥初生將此類黃  
鍾應律始歸家十月定君誇

黃帝術黃帝術玄妙美金花玉液初凝紅粉見乾  
坤覆載暗交加龍虎變成砂

長生術長生術玄要補泥丸彭祖得之年八百世  
人因此轉傷殘誰是識陰丹

陰丹訣陰丹訣三五合玄圖二八應機堪採運玉  
瓊回首免榮枯顏貌勝凡姝

長生術長生術初九祕潛龍慎勿從高宜作客丹  
田流注氣交通耆老反嬰童

修身客修身客莫誤入迷津氣術金丹傳在世象  
天象地象人身不用問東鄰

還丹訣還丹訣九九最幽玄三性本同一體內要  
燒靈藥切尋鉛尋得是神僊

長生藥長生藥不用問他人八卦九宮看掌上五  
行四象在人身明了自通神

學道客學道客修養莫遲遲光景斯須如夢裏還  
丹粟粒變金婆死去莫回歸

治生客治生客審細察微言百歲夢中看即過勸  
君修煉保尊年不久是神仙

君修煉保尊年不久是神仙

君修煉保尊年不久是神仙

君修煉保尊年不久是神仙

君修煉保尊年不久是神仙

君修煉保尊年不久是神仙

君修煉保尊年不久是神仙

君修煉保尊年不久是神仙

君修煉保尊年不久是神仙

呂純陽文集卷之十

二十六世從孫 呂兆祥纂輯

呂奇策參考

二十七世從孫 呂雲清 編次

呂逢時

二十八世從孫 呂學會訂閱

西江月 八首

著意黃庭歲久留心金碧年深為憂白髮鬢 侵  
仙訣朝朝討尋 祕要俱皆覽過神仙與道重吟  
至人親指水中金不負平生志心

任是聰明志士常迷東竈黃庭叅同大易事分明  
不曉如醉難醒 若遇高人指引都來不費功程  
北方坎子是金精認得黃芽方盛  
世有學人無數愚癡妄意如麻汞鉛錯認結爲砂  
運火欲覓黃芽 千日虛勞心力人人盡破其家  
真鉛似玉本無瑕將鳳欲比狂鴉  
至道不煩不遠至人只在目前淮王煉石得冲天  
漢世已經千年 全在低心下意事該緣分偶然  
安爐致鼎盡周圓須得汞去投鉛

聽說金公兩字何物喚作金孫尋枝尋葉必知根  
無智便乃心昏 若用凡鉛爲體都來少魄無魂  
水銀漸結必難存祕訣要處誰論

真假兩般玄字金公所料重迷凡鉛縱與岳山齊  
不肯假與金妻 聽說真鉛住處他家跳在深溪  
兩情恩愛事因媒義重爭敢東西

水火運來周歲四六勿錯如初水多火少失功夫  
勝地方始安爐 直須認鼎與藥却如鷄子無殊  
內黃外白結凝酥一顆圓明汞珠

彼此離於生處火遭水破驚忙分身各自擬深藏  
半路再遣蕭郎 夫爲無衣素體妻因水浸衣黃



丙丁甲乙有形相剛遣令合陰陽

沁園春

七返還丹在人先須煉已待時正一陽初動中宵

漏永溫溫鉛鼎光透簾幃造化爭馳虎龍交媾進

大功夫猶闕危

猶闕危元作牛斗危玉蟾訣亦云妙在尾箕斗牛女正為一陽初動

之位今或作猶闕危恐非是

曲江上看月華瑩淨有個鳥飛

當時自飲刀圭又誰信無中養就兒辨水源清濁

木金間隔不因師指此事難知道要玄微天機深

遠下手速修猶大遲蓬萊路待三千行滿獨步雲

歸

小筭子

心空道亦空風靜林還靜捲盡浮雲月自明中有

山河影 供養及修行舊話成重省豆爆生蓮火

裏時痛撥寒灰冷

步蟾宮

次离坤兌逢子午須認取自家根祖地雷震動山

頭雨要洗濯黃芽土 捉得金精牢閉錮煉甲庚

要生龍虎待他問汝甚人傳但說道先生姓呂有

一太守好道令妓者唱道情詞曲妓無以應命遂迎方士求之忽有道人過門索酒題詞于壁而去次日妓佐公筵以此歌之太守驚問欲求道人竟失其蹤方知其為呂公也妓亦因此脫籍

滿庭芳

大道淵源高真隱秘風流豈可知聞先天一氣清  
濁自然分不識坎離顛倒誰能辨金木浮沉幽微  
處無中產有澗畔虎龍吟 壺中真造化天精地  
髓陰魄陽魂運周天水火燮理寒溫十月脫胎丹  
就除此外皆是傍門君知否塵寰走徧端的少知  
音

醉江月

仙風道骨顛倒運乾坤平分時節金木相交坎離  
位一粒刀圭凝結水虎潛形火龍伏體萬丈毫光  
烈仙花朵秀聖男靈女扳折 霄漢此夜中秋銀  
蟾離海浪捲千層雪此是天關地軸誰解推窮圓  
缺片餉工夫霎時丹聚到此憑何訣倚天長嘯洞  
中無限風月

水龍分

目前咫尺長生路多少愚人 不悟愛河浪濶洪波  
風緊舟船難渡略聽仙師語到彼岸只消一句煉  
金丹換了凡胎濁骨免輪迴三塗苦  
萬事澄心定意聚真陽都歸一處分明認得靈光  
真趣本來面目此個幽微理莫容易等閑分付知

蓬萊自有神仙伴侶同携手朝天去

沁園春

火宅牽纏夜去明來早晚無休奈今日不知明日  
事波波劫劫有甚來由人世風燈草頭珠露我見  
傷心眼泪流不堅久似石中迸火水上浮漚休  
休聞早回頭把往日風流一筆勾但麤衣淡飯隨  
緣度日任人笑我我又何求限到頭來不論貧富  
着甚干忙日夜憂勸年少把家緣棄了海上來遊

浪淘沙

我有屋三椽住在靈源無遮四壁任蕭然萬象森  
羅爲斗拱瓦蓋青天無漏得多年結就因緣修  
成功行滿三千降得火龍伏得虎陸地神仙

沁園春

詩曲文章任汝空留數千萬篇奈日推一日月推  
一月今年不了又待來年有限光陰無涯火院只  
恐蹉跎老却賢貪癡漢望成家學道兩事雙全  
凡夫只戀塵緣又誰信壺中別有天這道本無情  
不親富貴不疎貧賤只要心堅不在勞神須苦  
行息慮忘機合自長生事待明公放下方可相  
傳

蘇軾遮

天不高地不大惟有真心物物俱含載不用之時  
全體在用卽拈來萬象周沙界 虛無中塵色內  
盡是還丹歷歷堪收採這個鼎爐解不解養就靈  
鳥飛出光明海

雨中花


題岳陽樓

三百年問功標青史幾多俱委埃塵悟黃梁弃儒  
事厭世藏身將我一枝丹桂換他千載青春岳陽  
樓上綸巾羽扇誰識天人 蓬萊願應仙舉誰知  
會合仙賓遙想望吹笙玉殿奏舞鸞裊風馭雲駟  
不散碧桃紫椀長新願逢一粒九霞光裏相繼相  
真

促拍滿路花

題長安酒樓柱

西風吹渭水落葉滿長安茫茫塵世裏獨清閑自  
然爐鼎虎統與龍盤九轉丹砂就一粒刀圭便成  
陸地神仙 從他富貴擁華軒到了亦徒然黃梁  
猶未熟夢驚殘是非海裏終久立身難拂袖江南  
去白蘋紅蓼再遊滄浦廬山



Faint vertical text columns, likely bleed-through from the reverse side of the page. The text is mostly illegible due to fading and the texture of the aged paper.

The left page of the spread is mostly blank, showing the texture and color of the aged paper. There are a few small, dark ink-like spots or smudges scattered across the surface.

